

江都縣志卷之十三

試江南揚州府江都縣知縣臣陸朝璣奉

旨編輯

名宦志

縣秩循良德政可紀者四十六人

漢趙苞字威豪甘陵東武城人初仕州郡舉孝廉再遷

廣陵令視事三年政教清明郡表其狀遷遼西太守封

郇侯後漢書

晉周玘揚州秀才令江都莫考其時太安初石冰之亂

玘同前南平內史王矩吳興內史顧秘助廣陵度支陳

江都縣志

卷十三名宦志

一

敏討平之後敏以廣陵相據江東叛玘復同顧榮合兵

誅之時懷帝永嘉元年也萬曆縣志

按晉書載揚州秀才周玘同前南平內史王矩等

起義軍以討石冰不言為江都令姑仍舊志列之

徐寧東海剡人少知名為輿縣令時廷尉桓彝稱有人

倫鑒識嘗去職至廣陵尋親舊還遇風停浦中累日憂

悒因上岸見一室宇有似廨署訪之云是輿縣彝乃造

之寧清惠博涉相遇欣然因留數夕彝大賞之結交而

別至都謂庾亮曰吾為卿得一佳吏部郎亮問所在彝

即敘之尋遷吏部郎左將軍江州刺史晉書

蔡濟令輿縣時大旱濟乃剝臂然香率衆懇禱甘澍隨降一邑霑足

萬曆縣志

袁瓌字山甫陳郡陽夏人瓌與弟猷奉母避亂求爲江淮間縣拜呂令轉江都因渡江猷字申甫少與瓌濟名代瓌爲呂令復相繼爲江都兄弟列宰名邑論者美之

晉書

**梁**霍雋廣陵令邵陵王綸率衆討侯景敗績綸奔京口獲霍雋等來送城下徇之逼云已擒邵陵王雋獨云王小小失利已全軍還京口城中但堅守援軍尋至賊以刀毆之雋言辭顏色如舊景義而釋之

宋書

江都縣志

卷十二

名宦志

二

祖皓易州人大同中爲江都令侯景陷臺城皓起兵於廣陵斬景刺史董紹先推前太子舍人蕭勔爲刺史又結魏人爲援馳檄遠近將以討景景聞之大懼卽日率侯子鑒等出自京口水陸並集皓嬰城拒守景攻城陷之車裂皓以徇

梁書

劉詢廣陵令封山侯正表叛襲廣陵兗州刺史南康王會理使詢夜襲破之收其兵糧歸就會理同入援

萬曆縣志

**隋**張惠紹江陽長大業末司馬德戡將爲亂惠紹夜馳告裴蘊謀欲矯詔發郭下兵盡收逆黨字文化及等議已定遣報虞世基世基疑反者不實抑其計須臾難作

隋書

唐婁師德字宗仁鄭州原武人弱冠進士擢第授江都尉揚州長史盧承業奇其才嘗謂之曰子台輔器也後專綜邊任前後三十餘年叅知政事以功名始終卒贈涼州都督謚曰貞

舊唐書

康令失其名亦不知何許人咸通中爲江陽令時大旱令以身代犧牲赴水死天卽大雨民悲懷之爲立康令

祠

嘉靖惟揚志

宋范端字思道江州德化人仁宗時爲江都令歲旱知揚州張若谷遣端與他吏視民田他吏白歲善端獨白

江都縣志

卷十二

名宦志

三

田實旱若谷疑之端

爭乃卒從所白吳遵路

蔣堂爲淮南轉運使使端護河役端往視還言河不可爲遂罷端用他吏而河果不可爲三人乃共薦端歷宮

至尙書庫部員外郎知臨江軍事卒於位

曾鞏南豐數藁

王琪字君玉成都華陽人起進士調江都主簿上時務十二事請建義倉置營田減度僧罷鬻爵禁錦綺珠具行鄉飲籍田復制科興學校仁宗嘉之除館閣校勘集賢校理後兩知揚州以禮部侍郎致仕琪性孤介與時不偶數臨東南名鎮尙簡靜疾俗吏飾厨傳以沾名譽故待賓客頗濶畧間造飛語起謗終不自恤卒葬眞州

詔真提二州發卒護其窆蓋異數也

宋史

王觀字通叟如皋人登嘉祐二年進士出令江都嘗上

揚州賦賜緋魚銀章

萬曆縣志

羅適字正之台州寧海人元豐中爲江都令民有訟曲直經決於前不以屬吏若小過輒誨諭遣去黎明視事入夜猶不已曰與其委成於吏民有不盡之情孰若勞已之耳目哉政化大行訟者益少復大石湖改名元漑千有餘頃遠近自陳復陂塘溝渠之利者聽許水利之興復者五十有五漑田六千頃桑亦八十五萬有奇出私錢營藥給疾病之民所瘡不可勝計歲

江都縣志

卷十二 名宦志

四

滿代去民思之卽召伯埭畫像祠之

秦觀淮海集

李處端字能白邯鄲人淳熙十二年授江都令時縣廡殘於兵燹案牘棧列無所吏抱持歸於家朝昏赴庭遇雨則立濼淖中且六十年處端爲鼎新之三月落成公

私稱便

萬曆縣志

余晦四明人初辟制置大使司幕官尋令江都時百務蝟興最繁且迫晦以一身肩之不爲所困江都迎新令例有公費晦謝不取以之建堂榜曰清晝云

萬曆縣志

**明**歐陽銘字日新泰和人洪武中以賢才薦除江都縣丞兵燹之餘民死徙者十七八銘招徠拊循漸次

民有繼母告其子不孝者呼至案前委曲開譬母子泣謝去卒以慈孝稱嘗治廨後隙地得白金百兩會部符徵漆卽市漆以輸焉遷臨淄知縣

本傳

張本字致中東阿人洪武中自國子生授江都知縣釐奸革弊豪猾斂迹靖難兵至揚州以滁泰二知州房吉田慶成率先歸附命與本並爲揚州知府偕見任知府譚友德同蒞事前人稱本廉介有執持云

參名山藏本傳

楊璟鄧州人天順八年教諭性惇謹學務明理教以身先每夜課諸生誦讀仍置二生遞直鷄鳴起侍戶外候燈出輒隨往各齋驗諸生勤惰暇則籤召諸生背誦經

江都縣志

卷十二

名宦志

五

書或講說理義歷數年如一日諸生亦競用奮起所藉成名甚衆人以比河汾湘湖之教焉

萬曆縣志

陸愈字抑之平湖人進士成化十一年知江都縣會歲荒計口給賑貸以牛種饑民有鬻子女者捐俸贖之至數百口城西多江南屯戍有翁子正聚黨剽劫行旅愈捕獲之仍請置官橋巡檢以控制焉又鑿花園港以蓄洩水利增築邵伯湖堤以禦水患用歲辦餘錢以儲賑粟皆惠政也秩滿遷官百姓咸立碑頌之

嘉靖惟揚志

蘇琇字彥器尉氏人弘治八年江都丞人有告以江都之俗多僞者琇曰噫是欲使我先以僞迎之耶夫以僞

迎之必先覘其色覘其色而不得必又探其言探其言而不得則必鈎索其陰細以中之安有立人上而忍出此者哉無何自劾歸

萬曆縣志

陳憲西平人監生正德七年知江都縣操守清介剖決無滯牒會霸州流賊齊彥名等由京口趣瓜洲勢甚猖獗憲隨事區畫爲守禦計甚悉時徵調官軍數萬頓城下軍興日費不貲皆辦自公帑未嘗斂民間一錢雖羽檄旁午而閭閻晏然若不知兵者秩滿陞鎮江府通判

萬曆府志

劉良卿新野人嘉靖六年以進士令江都有才幹治尚

江都縣志

卷十二

名宦志

六

嚴察吏亡得爲奸然不事苛刻民皆愛之後十五年有曲江王維賢又十九年有豐潤谷嶠皆起家進士其政蹟大槩如良卿云

萬曆縣志

趙訥字孟敏山西孝義人進士嘉靖間調繁令江都警敏育吏幹政務大體多所興革尤留意里甲先後裁縮公私諸費數百千計時河隄善崩運道湮塞有議開花園港建閘以洩水者訥謂不若浚白塔河便白諸監司謂浚河工省而利博建閘費夥而事難監司聽其議從之興化故苦賦重欲分之諸邑訥獨先諸州縣吏上牒力爭言甚剴切事乃寢江都以郡附郭無志訥始採葺

成縣乘焉

萬曆縣志

方九功字允治南陽人進士嘉靖四十四年除知江都江都當南北孔道諸費咸取辦里甲每九月爲更番後累費幾二萬餘九功爲通融叅酌歲減去萬五千所存者二十之五船馬夫頭減者十之六月夫踐更減三之二居江都三歲歲費省至數萬流亡者悉還業九功嘗語人曰余治江都無他長田畝里甲稍稍稱均省耳第所舉者什不能二三舉而不竟姑留以俟後賢焉

萬曆縣志

歐大任字徵伯廣東順德人嘉靖末訓導學甚該洽嫻古文詞貌寢越語而坦率無他腸人皆樂與之游時博

江都縣志

卷十二

名宦志

七

士業日趨靡陋天任始進諸生授之史漢文選士彬彬知嚮慕古昔談經之暇與諸生倡和爲詩號竹西社隆慶初奉御史檄纂世宗實錄因採廣陵賢士大夫爲十

先生傳又有浮淮輶中二集

萬曆府志

襲勗字克懋章邱人貢士隆慶五年訓導爲人剛介不妄合居平以廉耻自勵同官者稍涉阿媚輒罵之諸生貧者卻其餽贄所論著有理氣解辨析甚精同邑李攀龍講業燕中少所許可惟與許長史邦才及勗兩人耳後陞永平教授竟以剛介忤上官劾罷勗少爲人牧羊山中繇於陽邱尉庭笞之乃憤而卒業鄉校三十爲郡

諸生五十而貢

萬曆縣志

馬晨新蔡人貢士萬曆庚辰教諭淹洽古今與諸生說文義或對客論時事刺刺不肯休客起輒遮止之如臯令有能名百姓請留不果癸未擢延安府教授辭不行曰兒子業荒欲歸課之仲子化龍以壬辰擢進士

第

萬曆縣志

陳邦科高安人進士萬曆辛巳令江都丙戌以課最徵為南監察御史邦科性豈弟愛民尤精覈吏事嘉隆間孝義南陽相繼為政里甲繇役多所裁省兩人去既久而弊孔復多邦科至日尋其廢政修之奉部檄清丈各

江都縣志

卷十二

名宦志

八

里田畝乃分其戶為三等九則一時徭役稱均其聽訟虛心諦譽弗任喜怒治江都六年幾致刑措初廟學蕪圯邦科下車首發罰鍰二百金修葺之諸生貧者時割俸周給焉乙未由御史出為河間知府道出揚州百姓扶携老稚瞻拜道周數十里洒涕而還繼邦科令者為劉道隆官箴吏事亦稱最

萬曆縣志

武之望臨潼人戊子舉鄉試第一明年成進士令霍邱萬曆十九年調繁江都之望長身玉立丰采映人政教肅士民安之事上官恭不為阿直不為抗鄉大夫刺勅門者必露封而後進一時請托頓絕太守議復五



塘之望贊之甚力會有撓者垂成而敗三年召爲吏部

考功主事

萬曆縣志

姚祚端浙江烏程人進士萬曆間江都令公恕廉敏催科不擾城東北隅有石人長二尺許砌市牆內黃冠詐云有靈祈禱奔走填咽衢陌通國若狂祚端碎石人而懲倡妖者人服其正直五載政最召爲御史

康熙府志

張寧字坤一襄城人進士萬曆甲午知江都聽訟率片言折之兩造皆欣服尤不易被人罪多從未減訟牒有所勾攝署其名付訟者與之期再渝始遣隸逮之及對簿日版其名次以召雖丙夜必竟其事以故案無滯牘

江都縣志

卷十二

名宦志

九

故事諸使者行部供張繁夥悉倚辦里簷寧視不急者罷之曰吾不敢以吾民膏血諛人也居恒儉素自守家人曰飯脫粟浹辰而具一鮭菜縉紳歲時餽遺無厚薄皆卻之邑乘歲久殘缺復增定焉陞南刑部主事

萬曆縣志

余文燿四川長壽人進士萬曆末知江都性嚴重持正不阿居心坦恕不鍥急爲治每向夕端坐竟夜不寢勞

心民事仕至南大理寺卿

康熙府志

劉士璟字昆白遼東復州衛人慷慨多大畧崇徵間以明經授訓導時戎事倥偬入課生徒出佐守禦史可法竒其才命攝輿化令士璟往以所服袍帶募

賑饑療疾民大悅擢沭陽令流寇突至死之贈山東按察使司僉事賜祭葬謚忠烈

康熙府志

歐陽蒸字憲文湖廣潛江人進士崇徵十三年知江都愷悌慈惠表裏如一糾紛盤錯而奏治善然校士於天寧寺時童子千餘人試卷山集蒸面加披閱試訖而甲乙已定所賞拔皆成名宿人服其識

康熙府志

周志畏字抑畏鄞縣人崇徵癸未進十甲申知江都時揚州鎮帥死兵無所統多暴橫凌志畏志畏不爲屈撓取其中害民者置以法兵大譟謀劫志畏廷議調歙縣督師史可法欲倚爲佐慰留之我

江都縣志

卷十三

名宦志

十

朝大兵略地至揚州可法守西門志畏守小東門躬被甲宿敵樓夜不交睫有勸之降者索印不付西門啟兵入執志畏擁至南郭福緣菴刃之於水志畏平時常以小鏡置懷中至是死數日無知者一僕行覓主見尸水上識其衣啓視鏡故在哭殮焉

汪懋麟梧桐閣集

國朝吳伯琮徽州人舉人順治十七年署教諭清慎厚重教士有方重建明倫堂啟聖祠新聖賢像功尤鉅遷宜山令諸生勒石志去思焉

熊明遂字仲良江西豐城人舉人順治十八年知縣事清而不刻俗故奢示之以儉聽訟者每得其情片言立

剖皆愧悔自解以去歲值編審里甲自置一簿親與里戶酌劑徭均賦平吏胥不得上下其手去之日囊篋蕭然惟圖書數卷而已

軒轅允山東東平人進士康熙六年知縣事性廉潔自秦惟布衣蔬食而恤民最懇至八年以誤河工鐫級會制府至揚百姓遮訴令賢不應去制府爲疏留仍知縣事所操益勵後仍以公事落職十三年用廷臣薦復起用焉

任國鑛徐州蕭縣人舉人康熙十五年署教諭正身爲率口不言錢與諸生談文藝以行誼爲先或貧弱爲勢課子觀瀛與諸生同會未幾觀瀛成進士

熊開楚字文友湖廣石首人進士康熙二十四年知縣事立易知由單吏胥不得上下其手更除漕米包攬之弊他如勤賑濟廩遺骸爲貧民贖已鬻子女惠政甚夥三十二年行取去江都祀名宦

張瑀字石公直隸無極人進士康熙三十六年知縣事時奸猾肆行瑀取其渠魁杖殺之境內以肅創印冊以稽賦稅分十限任民輸納親投入櫃不假吏胥手至今仍之瑀勤於治事躬理煩劇輒逾月不解衣寢越五載

以憂去

晉璿字玉衡山西長治人舉人令浙之浦江康熙四十年以治行最調知江都勞於撫字民戴之如父母丈量洲田豁坍陞漲尤稱至均後以疾去民恒思之

項維聰字穎叔嘉興人舉人康熙五十七年知縣事丈坍江地以贏補絀豁枯丁令隨田辦核三汊河疏淺費商減金千餘民減夫五萬歲著爲令三年行取百姓以水一器鏡一圓送之

蔣鶴鳴字陞遇嘉興人舉人令舒城雍正二年以才能調江都廉靜和平盡力設賑舉同仁會周貧者學宮舊

江都縣志

卷十二

名宦志

十一

無樂器祭器鶴鳴剞製之以銅件繫其觚兩著之籍越歲以捕蝗積勞卒官

論曰縣秩之與民近也親也近則耳目眞焉親則呼喻通焉官有廉貪政有得失民目擊而神喻口不言而心識之其傳也有所以傳也其不傳也有所以不傳也江都自立縣以來秩官無慮數百人又舊析廣陵江陽輿各縣復有各縣之官迺今所傳者寥寥可屈指數豈其人無可述耶抑載籍荒畧不足徵耶夫三代雖遠直道常在人心刑驅使或應以口而不根於心勉強於一時而不能永

久唯仁心善政之人人於心脾肌髓者雖金銷石  
泐而莫之磨滅噫嘻我民伊可懷也抑可畏也

文武名臣功業事蹟表著於江都者一百三十  
九人

漢董仲舒廣川人孝景時爲博士武帝卽位以賢良對  
策出爲江都王非相王帝兄素好勇仲舒以禮誼匡  
正王敬重焉久之王問仲舒曰粵王勾踐與大夫泄庸  
種蠡謀伐吳遂滅之孔子稱殷有三仁寡人亦以爲粵  
有三仁仲舒對曰本無一仁夫仁人者正其誼不謀  
其利明其道不計其功是以仲尼之徒羞稱五伯爲其

江都縣志

卷十二

名宦志

十三

先詐力而後仁誼也王稱善後徙膠西王相去位歸居  
終不問家產業以修學著書爲事

漢書

志云仲舒江都宅故址後人卽其地立祠祀之

馬棱字伯威扶風茂陵人章和初遷廣陵太守時穀貴  
民饑奏罷官以利百姓賑貧羸薄賦稅興復陂湖溉

田二萬餘頃吏民刻石頌之

後漢書

張綱字文紀蜀犍爲人漢安元年遣八使巡行風俗綱  
獨埋其車輪於洛陽都亭曰豺狼當路安問狐狸遂奏  
梁冀等不法十五事時廣陵賊張嬰等衆數萬人寇亂  
揚徐間積十餘年冀乃諷尚書以綱爲廣陵太守因欲

以事中之綱單車之職將吏卒十餘人徑造嬰壘諭以  
順逆利害嬰深感悟明日率所部與妻子面縛歸降綱  
散遣部衆任從所之親爲卜居宅相田疇人情悅服綱  
被疾吏人皆爲禱祀祈福及卒老幼相携赴哀者不可  
勝數嬰等五百餘人制服行喪送到犍爲負土成墳詔  
追褒之官其子續爲郎中賜錢百萬

後漢書

志云綱在廣陵於東陵村開渠引大石湖水灌利  
農田至今呼爲張公渠

苟曇字元智漢末爲廣陵太守時宦寺擅權曇志欲除  
之其黨至郡織罪必治略無避忌用是坐黨禁錮廢終

江都縣志

卷十二

名宦志

十四

身

嘉靖惟揚志

陸稠字伯羸爲廣陵太守有威惠奸吏斂手郡中諺曰  
解理結煩我國陸君

嘉靖惟揚志

張超東平壽張人初平中爲廣陵太守值董卓擅政郡  
功曹臧洪說超曰明府歷世受恩兄弟並據大郡今王  
室將危此誠天下義烈報恩效命之秋也今郡境尙全  
吏民殷富若除國賊爲天下倡先義之大者也超然其

言

魏志

陳登字元龍建安中爲廣陵太守明審賞罰威信宣布  
未及期年功化以就及遷東城太守廣陵吏民佩其恩

德共拔郡隨登老弱襁負而追之

魏志

志云登在郡時以休暇行城之西二十里濬源爲

塘溉浸田疇用獲豐稔民名其陂曰愛敬陂

晉郗鑒字道徽高平金鄉人明帝時以尚書令遷車騎將軍都督徐兗青三州軍事假節鎮廣陵咸和初蘇峻反鑒去賊密邇城孤糧絕流涕設盟登壇慷慨三軍爭爲用命及陶侃爲盟主進鑒都督揚州八郡軍事鑒率衆渡江峻平拜司空加侍中封南昌縣公

晉書

卞壺字望之濟陰宛句人父粹爲侍中立朝正色長沙

王乂忌而害之壺依妻兄徐州刺史裴盾盾以壺行廣

江都縣志

卷十二

名宦志

十五

陵相累官光祿大夫加散騎常侍咸和三年蘇峻稱兵犯闕壺力疾苦戰死之二子眇眇同時遇害峻平詔贈侍中驃騎將軍開府儀同三司謚曰忠貞祠以太牢

晉書

謝安字安石陽夏人太元中累官侍中都督揚豫徐兗青五州諸軍事秦苻堅率衆號百萬次於淮肥京師震恐安舉從子元帥師拒之大敗堅於淝水進拜安太保出鎮廣陵築壘曰新城以壯保障時城北湖水每漲輒沒民田安築平水埭隨時蓄洩歲用豐稔後人追思之

名爲白伯埭云

晉書

謝元字幼度安從子太元初苻堅彊盛邊境數被侵寇

朝廷求文武良將可以鎮禦北方者安乃以元應舉拜  
建武將軍兗州刺史領廣陵相監江北諸軍事堅將句  
難等攻淮南元自廣陵西討與賊大戰破之難等僅以  
身免元還鎮廣陵以功封東興縣侯及苻堅大舉入寇  
元先遣廣陵相劉牢之以五千人直指洛澗擒其將既  
而元與堅決戰淝水南堅中流矢衆奔潰論功進封康

樂公

晉書

孔衍魯人孔子後避地江東元帝時爲廣陵太守時郡  
接西寇政務劇冗衍猶教誘後進不以戎務廢業

明南  
畿志

**宋**徐湛之字孝源東海郟人元嘉二十四年出爲前軍

江都縣志

卷十二

名宦志

十六

將軍南兗州刺史善於爲政威惠竝行廣陵城舊有高  
樓湛之更加修整南望鍾山城北有陂澤水物豐盛湛  
之更起風亭月觀吹臺琴室果竹繁茂花藥成行招集  
遊士盡遊玩之適一時之盛也

宋書

沈慶之字弘先吳興武康人大明三年竟陵王誕據廣  
陵反帝使慶之持節都督南兗徐兗三州諸軍事率衆  
討之誕遣慶之宗人沈道愍齎書說慶之餉以玉環刀  
慶之遣道愍反數以罪惡慶之至城下誕登樓謂之曰  
沈君白首之年何爲來慶之曰朝廷以君狂愚不足勞  
少壯故使僕來耳慶之營洛橋西焚其東門塞壘造攻



道立行樓土山并諸攻具時夏雨不得攻城誕餉慶之食提挈者百餘人慶之悉焚之誕於城上授函表倩慶之爲送慶之曰我奉詔討賊不得爲汝送表每攻城輒身先士卒生戒之曰卿爲統任當令處分有方何蒙楯城下身受矢石邪自四月至七月乃克誕斬之進慶之司空尋爲侍中太尉卒謚曰襄

宋書

賀弼字仲輔會稽山陰人有文才大明中爲竟陵王誕記室參軍誕據廣陵反弼固諫再三誕怒抽刃向之及沈慶之討誕誕兵屢敗或勸弼出降弼曰公舉兵向朝廷此事旣不可從荷公厚恩又義無違背唯當死明心

江都縣志

卷十二

名宦志

十七

耳乃服藥自殺贈車騎將軍山陽海陵二郡太守

宋書

南齊裴昭明河東聞喜人少傳儒史之業建武初爲廣陵太守明帝以其無所啓奏代還昭明日臣不欲競執關鍵故耳昭明歷郡皆有勤績常謂人曰人生何事須蓄積一身之外亦復何須子孫若不才我聚彼散若能自立則不如一經故終身不治產業中興二年卒

南齊書

陸慧曉字叔明吳郡吳人建武中爲五兵尚書遷南充州刺史慧曉清介正立不雜交游張緒稱之曰江東裴

樂

南齊書

梁蕭景字子昭高祖從父弟天監中爲南充州刺史加

侍中詔以安右將軍監揚州景性明斷符教嚴整有田舍老姥嘗訴得符還至縣縣吏未即發姥語曰蕭監州符火爇汝手何敢留之其爲人所畏敬如此

梁書

蕭績字世謹梁武帝第四子天監十七年以南康郡王出爲南充州刺史在州著稱詔徵還民曹嘉樂等三百七十人詣上表稱績功德一十五條乞留州任優詔許之進號北中郎將

梁書

按舊志載揚州刺史魏相黃霸等揚州牧馬余李聖等與揚州都督別駕從事等凡數十人皆與廣陵江都無涉故不闌入

江都縣志

卷十二

名宦志

十八

隋馮慈明字無佚信都長樂人大業十三年攝江都郡丞事詔令慈明安集漕洛爲李密黨所執慈明潛使人奉表江都及致書東郡留守論賊形勢密知其狀義而釋之出至營門賊帥翟讓亂刀斬之時年六十八贈柱國戶部尚書昌黎郡公謚曰壯武

隋書

沈光字總持吳興人少驍捷善戲馬略綜書記大業中爲折衝郎將江都之難宇文化及以光驍勇令其總統營於禁內光自以荷恩深重將爲帝復讐潛構麥孟才錢傑等陰圖化及孟才爲將軍領江淮之衆數千人期以晨起襲化及光語洩化及大懼夜與腹心走出營外

遣司馬德戡等領兵逮捕孟才光聞營內誼聲知事發不及披甲卽襲化及營空無所獲值舍人元敏數而斬之遇德戡兵入四面圍合光大呼潰圍斬首數十級賊皆披靡德戡復遣騎持弓弩翼而射之光身無甲胄遂爲所害麾下數百人皆鬪死一無降者時年二十八壯士聞之莫不隕涕

隋書

**唐**李襲譽字茂實隴西狄道人通敏有識度高祖初擢揚州大都督府長史江南巡察大使多所黜陟揚州江吳大都會俗喜商賈不事農襲譽爲引雷陂水築句城塘溉田八百頃以盡地利民歸本召爲大府卿罷揚州

江都縣志

卷十二

名宦志

十九

載書數車嘗謂子孫曰吾性不喜財遂至妻乏然負京有賜田十頃能耕之足以食河內千樹桑事之可以衣江都書力讀可進求宦吾歿後能勤此無資於人矣

唐書

姚崇字元之陝州硤石人累遷中書令以言事貶申州刺史移徐潞二州遷揚州長史政條簡肅人爲紀德於碑崇長吏道處決無淹思三爲宰相封梁公卒謚文獻

唐書

第五琦字禹珪京兆長安人少以吏幹進能言強國富民術至德初謁肅宗於彭原言今之急務在賦賦所出以江淮爲淵若假臣一職請悉東南寶貨飛餉函洛惟

陛下命帝悅拜監察御史勾當江淮租庸使琦隨事趣辦人不益賦而用以饒累封扶風郡公

唐書

李吉甫字弘憲趙人栖筠子年少明練典故累官至檢校兵部尚書出爲淮南節度使帝爲御通化門祖道賜御餌禁方居三歲奏蠲逋租數百萬築富人固本二塘溉田且萬頃漕渠庫下不能居水乃築隄閘以防不足洩有餘名曰平津堰江淮早有司不爲請吉甫曰以時救恤帝驚馳道使分遣賑貸吉甫雖居外每朝廷得失輒以聞卒贈司空謚忠懿

唐書

劉晏字士安曹州南華人廣德二年爲江淮轉運租庸

江都縣志

卷十二

名宦志

二十

常平使晏卽鹽利雇傭分吏督之隨江汴河渭所宜舊轉運船由潤州陸運至楊子斗米費錢十九晏命囊布而載以舟減錢十五由揚州距河陰斗米費錢百二十晏爲歇艍支江船二千艘每船受千斛十船爲綱每綱二百人篙工五十人自揚州遣將部送至河陰上三門號上門填闕船米斗減錢九十調巴蜀襄漢麻棗竹篠爲綯挽舟以朽索腐材代薪物無棄者未數年人人習河險歲轉粟百一十萬石無升斗沉溺輕貨自楊子至汴州每駄費錢二千至是減九百歲省十餘萬緡始於楊子造轉運船每一船破錢千貫或譏其妄費

大國不可以小道理凡所創造須謀經久迺於楊子縣置十船場差專知官十人不數年間皆致富贍凡五十餘年船無破敗餽運亦不闕絕晏理鹽鐵惟置官於出鹽之鄉取鹽戶所煮鹽鬻於商任其所之不出鹽州縣不復置官曰官多則民擾其始江淮鹽利不過四十萬緡季年六百餘萬緡末年更逾十倍而人不厭苦古今稱善理財獨歸晏云

嘉靖惟揚志

蘇瓌字昌容京兆武功人弱冠本州舉進士累遷揚州大都督府長史揚州地當衝要多富商大賈珠翠珍怪之產前長史皆致之數萬唯瓌單身而去

舊唐書

江都縣志

卷十二

名宦志

二十一

杜亞字次公京兆人興元初爲淮南節度觀察使時揚州官河填淤漕湮塞又僑寄衣冠及工商等多侵衢造宅行旅擁滯亞乃開拓疎啓公私悅賴

舊唐書

杜佑字君卿京兆萬年人以工部郎中歷官尚書右丞出爲淮南節度使佑決雷陂以廣灌溉斥海瀕棄地爲田積米至五十萬斛列營三十區士馬整飭四隣畏之佑精於吏職爲治不瞰察數幹計賦相民利病而上下之議者稱佑治行無闕拜光祿大夫卒謚安簡佑廣秩政典爲通典二百篇儒者服其書約而詳

唐書

李珣字待價其先出趙郡客居淮陰累官至吏部尚

出爲淮南節度使時江淮旱珏發倉廩賑流民以軍儲羨殺半價與人及疾亟官屬見臥內惟以州有稅酒直而神策軍爲豪商占利方論奏未見報爲恨一不及家事珏性寡欲門無餽餉淮南人德之立碑刻其遺愛卒贈司空謚貞穆

唐書

張延賞蒲州人爲淮南節度使歲旱民遷入他境吏禁之延賞曰食者人恃以活吾不能贍其生奈何禁其就食呼乃具舟遣之勅吏爲修室廬寬逋責歸者更增於舊瓜步舟艫輻輳而遙隸江南延賞請改屬揚州於是行無阻壅

嘉靖惟揚志

江都縣志

卷十二

名宦志

二十二

杜牧字牧之京兆人牛僧孺鎮揚州牧爲書記剛直有奇節不爲齷齪小謹敢論列大事指陳利病尤切

明南畿志

杜棕佑子爲淮南節度使武宗聞揚州娼女善酒令勅監軍選十八人以獻監軍請棕同選棕曰監軍自受勅不敢預聞監軍怒具奏其狀武宗曰杜棕得大臣體朕甚愧之勅勿選

明南畿志

五代向拱字星民懷州河內人周顯德二年世宗親征淮南以拱權東京留守時揚州初平南唐令境上出師謀收復韓令坤有棄城意卽驛召拱赴行在拜淮南節度兼綠江招討使以令坤爲副時周師久駐淮揚都將

趙晁白廷遇等驕恣橫暴惟務貪濫至有劫人妻女者拱至戮其不奉法者數輩軍中肅然時周師圍壽春經年未下江淮草寇充斥吳立兵柵於紫金山與城中烽火相應而舒蘄和泰復爲吳人所據拱上言欲且徙揚州之師併力攻壽春俟城下改圖進取世宗從之拱乃封庫付揚州主者遣牙將分部按巡城中秋毫不犯軍民感悅及師行有負糗糧以送者至壽春改淮南道招討都監

宋史

李重進其先滄州人周太祖之甥也生於太原歷官至歸德軍節度恭帝嗣位加檢校太尉改淮南道節度治

江都縣志

卷十二

名宦志

二十三

城隍繕兵甲以拒宋太祖遣石守信等率禁兵討之太祖親征次大儀鎮徑至城下卽日拔之重進舉族自焚死

宋史

徐延休字德文會稽人風流淹雅唐乾符中進士昭宗狩石門無學士草詔延休來調官適在旁近逆旅左右言其工文詞卽召見命視草昭宗善之及還長安不得用梁蔣元暉辟爲佐延休棄去依鍾傳於洪州吳取江西得延休仕至光祿卿江都少尹卒二子鉉錯遂家廣

陵 陸游南唐書

宋李處耘潞州上黨人宋太祖討李重進爲行營兵馬

都監賊平以處耘知揚州大兵之後境內凋弊處耘勤於綏撫奏減城中居民屋稅民皆悅服建隆三年詔歸京師老幼遮道涕泣累曰不得去

宋史

許逖大中祥符二年知揚州郡中仕宦子弟出入里巷不爲法逖捕其甚者笞之皆羞愧自悔稍就學問爲善人風俗大化

嘉靖惟揚志

王禹偁字元之濟州鉅野人至道間知揚州眞宗卽位遷秩刑部會詔求直言禹偁上疏言五事疏奏召還復知制誥咸平三年在黃州奏疏曰太還太宗時議者乃令江淮諸郡毀城隍收兵甲撤武備者二十餘年臣比

江都縣志

卷十二

名宦志

二十四

在滁州值發兵挽漕關城無人守禦城池頽圯鎧仗不完及徙維揚稱爲重鎮乃與滁州無異嘗出鎧甲三十副與巡警使臣毅弩張弓十損四五蓋不敢擅有修治上下因循遂至於此望陛下特許江淮諸郡酌民戶衆寡城池大小竝置守捉軍士多不過五百人閱習弓劍然後漸葺城壁繕完甲冑則郡國有禦侮之備矣疏奏上嘉納之子嘉言後以進士第爲江都簿

宋史

包拯字希仁廬州合肥人歷仕龍圖閣直學士以喪子乞便郡知揚州拯性剛毅聞者皆憚之人以包拯笑比黃河清凡知數州舊制凡訟訴不得徑造庭下拯開正



門使得至前陳曲直吏不敢欺累遷樞密副使卒贈禮

部尚書謚孝肅

宋史

韓琦字稚圭相州安陽人仁宗時以資政殿學士知揚州揚民爲肖像祀於雍熙院蔣之奇作記有云魏公前出二府而領維揚之麾後相三朝而建淮南之節雖十年之間屢更節鉞而終不易鎮則維揚之人挹魏公之德宜何如哉卒贈尚書令謚忠獻

宋史

志云琦歷揚鄆眞定等州所至設條教葺帑廩治武庫勸農興學民樂其愷悌愛慕之如父母

盛度字公量餘杭人以右諫議大夫知揚州遷端明學

江都縣志

卷十二

名宦志

二十五

士以尚書右丞罷復知揚州度簡重少許可甄拔人才精於藻鑑時有蘇某者客遊抵揚作書上度覽而喜曰君之才宜應制科蘇以養親爲難度曰吾有租八百斛可成君之志且力爲延譽遂中制科官至叅政又有建州司戶叅軍夏有章者授鄭州推官謁度度稱其才特置酒餞之有章爲詩以謝度得詩不發封還之通判刁繹疑而問度度曰吾始謂其遠器及閱詩封乃自稱新圃田從事夫得一幕職而氣已輕將止於是矣後卒如其言度終少傅太子太保謚文肅

康熙府志

杜衍字世昌越州山陰人行總髮苦志厲操尤篤於學

擢進士甲科補揚州觀察推官後知揚州有司奏衍辨獄法當賞章獻太后遣使安撫淮南使還未及他語問杜衍安否使者以治獄對太后歎曰吾知之久矣徙河東轉運副使後入相封祁國公謚正獻

宋史

范仲淹字希文蘇州吳縣人爲右司諫歲大旱蝗江淮京東滋甚仲淹請遣使循行未報乃請問曰宮掖中半日不食當何如帝惻然乃命仲淹安撫江淮所至開倉振之後除參知政事會王倫寇淮南州縣官有不能守者朝廷欲按誅之仲淹曰平時諱言武備寇至而專責守臣死事可乎守令皆不得誅卒年六十四贈兵部尙

江都縣志

卷十二

名宦志

二十六

書謚文正

宋史

歐陽修字永叔廬陵人慶曆八年知揚州寬簡不擾蒞政三五日間事十減五六兩月後官府閑如僧舍或問故曰吾寬不爲苛急簡不爲繁碎爾非廢事也後拜叅知政事卒謚文忠

宋史

馮京字當世鄂州江夏人舉進士自鄉舉禮部以至廷試皆第一仁宗時以龍圖閣待制知揚州京爲郡守諸縣公事至卽歷究之苟與縣牘合而處斷麗於法者呼法吏決罪不以付獄報下捷疾一無壅滯人服其

以太子少師致事薨年七十四贈司徒謚文簡

宋史

劉敞字原父臨江新喻人舉慶曆廷試第一元祐初知揚州揚之雷塘漢雷陂也舊爲民田其後官取瀦水而不償以他田主皆失業然塘亦破決不可漕州復用爲田敞據塘舊券悉用還民發運使爭之敞卒以還民論囚察寃相傳以爲神明以集賢院學士判南京御史臺卒年五十

宋史

鍾離瑾字公瑜廬州合肥人爲江淮制置發運使殿直王乙請自揚州召伯埭至瓜洲濬河百二十里以廢二埭詔瑾規度以工大不可就止置牐召伯埭人以爲利後爲龍閣待制

宋史

江都縣志

卷十二

名宦志

二十七

王鼎字鼎臣大名館陶人仁宗時以司封員外郎爲淮南兩浙荆湖制置發運使前使者多漁市南物因奏計京師持遺權貴鼎一無所市獨悉意精吏事事無大小必出於已凡調發綱吏度漕路遠近定先後爲成法於是勞逸均吏不能爲重輕官舟禁私載舟兵無以自給則盡盜官米爲奸有能居販自贍者市人持以法不肯償所逋鼎爲移州縣督償之舟人有以自給不爲奸而所運米未嘗不足也入爲三司鹽鐵副使終天章閣待

制

宋史

王素字仲儀莘縣人太尉旦子以進士歷官淮南郡轉

運按察使時新置按察類多以苛爲明素獨不摘細故  
卽有貪刻必繩治窮竟以故下吏愛而畏之熙寧間進  
銀臺司轉工部尙書致仕謚懿敏

宋史

呂公著字晦叔壽州人彙簡子元豐間知揚州在郡勤  
勵未明而起秉燭視牘雖燕居必齋時接賓僚尤詳聽  
覽少吏賤胥咸得輸其情理官有繫重囚而置酒宴會  
者公著遣吏諭之皆悔懼由是上下咸修其職轉運司  
輦乳香萬觔配賣郡中悉停之郡庫不爲強配民尤德  
之元祐中人相封申國公謚正獻

萬曆府志

鄒浩字志完常州晉陵人第進士調揚州教授呂公著

江都縣志

卷十二

名宦志

二十八

守揚州甚加禮遇後公著被召首薦之歷官兵吏二部  
侍郎寶文閣待制

宋史

按志云浩在揚州刻沈适夢溪筆談於郡齋又載  
浩不撰樂語乃其教授穎州應范純仁事也

蘇軾字子瞻眉山人元祐六年以龍圖閣學士知揚州  
舊發運司主東南漕法聽操舟者私載物貨征商不得  
留難故操舟者富厚以官舟爲家補其敝漏且周船夫  
之乏故所載率皆速達無虞近歲一切禁而不許故舟  
敝人困多盜所載以濟饑寒公私皆病軾請復舊從之  
未閱歲以兵部尙書召兼侍讀後卒謚文忠

宋史

志云先是蔡京知揚州宴集爲百花會用芍藥

萬株吏緣爲奸軾悉罷之

晁補之字无咎鉅野人通判揚州以文章著名太守蘇軾稱爲風流賢別駕旣而其弟詠之亦調揚州司法叅軍軾雅重其能文顧坐客曰奇才也

明一統志

許份字子大閩人初任揚州兼淮東兵鈐靖康初復任上召諭揚州古名郡今委卿剷除宿弊份因請曰臣聞應奉司封記花竹凡山林之勝士民之居騷然無復遺地願速罷去又言揚一都會而江都天長不足以供經費請復泰興爲屬邑帥臣又於經賦外增上供而民不

江都縣志

卷十二

名宦志

二十九

堪願如政和三年舊額皆從之金人再入寇份卽日檄一路兵勤王以解亳州之圍而漕糧至畿甸者不絕時諸路援兵所至多縱剽掠不聽入州城軍士病之份大啟城闈至則撫勞而去秋毫無犯故金人兩至中都而揚民咸晏如也

嘉靖惟揚志

張緯字伯成吳人提點淮南東路刑獄權知揚州事時方鑄崇寧大錢行新鈔法小錢舊鈔盡廢百姓皇皇商賈有自殺者緯上言錢法誤民請如約以示大信蔡京怒罷緯初緯父染教子極嚴故緯與弟綜皆有文名开

善政云

嘉靖惟揚志

劉蒙政和六年通判揚州時江淮諸郡民苦水患流務  
四出泰州高郵至三千餘人轉聚於揚蒙曲加賙恤咸  
得不死事聞上特遷一官旌之

嘉靖惟揚志

陳邁字亨伯永州人登進士第徽宗時歷淮南轉運使  
時方督綱餉運渠壅澀邁請決句城陳公兩塘達於渠  
漕路甫通而朱勔花石綱塞道官舟不得行邁捕繫其  
人而上章自劾帝爲黥勔人進邁徽猷閣待制欽宗立  
加資政殿學士徙知中山府爲步將沙振所害金人入  
見其屍曰南朝忠臣也斂而葬之鐵柱寺建炎初贈特

進

宋史

江都縣志

卷十二

名宦志

三十

向子諲字伯恭臨江人宣和初除江淮發運司主管文  
字淮南仍歲旱漕不通有欲濬河與江淮平者內侍主  
其議無敢可否發運司檄子諲行子諲言自江至淮數  
百里河高淮數丈而欲濬之使平決不可曩有司三日  
一啟閘復作澳儲水故水不乏比年行直達之法加以  
應奉往來啟閉無節堰閘率不存今復故制嚴禁約則  
無患使者用其言漕復通進秩一等累官徽猷閣直學

士

宋史

呂頤浩字元直樂陵人中進士第高宗卽位除知揚州  
車駕南幸頤浩入見進戶部尚書劇賊張遇屯金山頤

浩與韓世忠喻降之建炎二年金人逼揚州車駕南渡  
鎮江召從臣問去留頤浩叩頭願且留此爲江北聲援  
不然賊乘勢渡江事愈急矣駕幸錢塘拜江淮兩浙制  
置使以討苗傅劉正彥功拜尙書右僕射同平章事紹  
興二年出都統江淮荆浙諸軍事八年卒贈太師封秦  
國公謚忠穆頤浩有胆畧善鞍馬弓劍當國步艱難之  
人倚之爲重 宋史

張浚字德遠漢州綿竹人中進士第建炎四年除知樞  
密院事卽日赴江上視師時兀朮擁兵十萬於揚州約  
日渡江決戰浚召韓世忠張俊劉光世將士見浚勇氣

江都縣志

卷十二

名宦志

三十一

十倍世忠遺王愈詣兀朮約戰兀朮曰張樞密貶嶺南  
何得乃在此愈出浚所下文書示之兀朮色變夕遁後  
復爲江淮宣慰使封魏國公卒贈太師謚忠獻 宋史

韓世忠字良臣延安人高宗建炎二年爲定國軍承宣  
使帝如揚州世忠以所部從時張遇自金山來降世忠  
獨人其壘曉以逆順衆悉聽命李民衆十萬亦降三年  
爲淮南東西路宣慰使四年金人與劉豫合兵分道入  
世忠親提騎兵駐大儀伐木爲柵自斷歸路遂大敗之  
論者以爲中興武功第一後封咸安郡王孝宗朝追封

蘄王謚忠武

宋史

張績金壇人建炎中守揚州金兵進圍城高宗恐績力不能支許退保鎮江績堅不動弗顧其家後城潰及妻子皆死之

姓譜

劉錡字信叔德順軍人紹興三十一年金主亮調軍六十萬自將南來中外大震乃以錡爲江淮浙西制置使引兵屯揚州建大將旗鼓駐清河口金人以糧裹船載糧而來錡使善沒者鑿沉其舟退軍召伯鎮金人攻眞州錡引兵還揚州帥劉澤以城不可守請退軍瓜洲金萬戶高景山攻揚州錡遣員琦拒於皂角林陷圍力戰林中伏發大敗之斬景山俘數百人捷奏賜金五百兩

江都縣志

卷十二

名宦志

三十一

銀七萬兩以犒師卒贈開府儀同三司謚武穆

宋史

魏俊

宋史作友

王方爲劉錡軍將後屬李橫俊爲左軍統制方爲後軍統制金人以重兵逼瓜洲分兵東出江臯逆趨瓜洲橫以孤軍不能當却失其都統制印魏俊王方死之瓜洲於其戰歿處建廟祀之

宋史

志云明太宗嘗感夢俊方助國復詔立廟府城有司歲時祀之

陳俊卿字應求興化人紹興八年登進士第孝宗立志在興復以俊卿忠義沈靖有謀以本職克江淮宣撫判官隆興初元建都督府俊卿除禮部侍郎參贊軍務張



浚請於朝出師已而兵潰俊卿退保揚州主和議者幸其敗議罷浚都督改宣撫何治揚州俊卿累章請罪以寶文閣待制知泉州後以少師魏國公致仕

宋史

莫濛字子濛湖州歸安人以祖蔭補將仕郎兩魁法科仕戶部左曹郎中出知揚州陞辭上以城圯命濛增築濛至州規度城闔分授諸將各刻姓名於堞間縣重賞激勸閱數月告成除直寶文閣學士大理少卿累遷工

部侍郎

宋史

崔與之字正子廣州人紹興四年舉進士歷官金部員外郎時金南遷于汴朝議疑其進迫特授與之直寶謨

江都縣志

卷十二

名宦志

三十三

開權發遣揚州事主管淮東安撫司事寧宗宣引入內親遣之奏選守將集民兵爲邊防第一事既至浚濠廣十有二丈深二丈西城濠勢低因疏塘水以限戎馬開月河置釣橋州城與保砦城不相屬舊築夾土城往來爲易以甃因滁有山林之阻創五砦結忠義民兵金人攻淮西沿邊之民得附山自固金人亦疑設伏自是不敢深入揚州兵久不練分彊勇鎮淮兩軍月以三八日習馬射令所部兵皆倣行之金人入境宰相連遺與之三書俾議和與之亟修守戰備遣精銳布要害金人深入無功而和議亦寢召爲秘書少監軍民遮道垂涕後

以觀文殿大學士致仕薨年八十有二累封至南海郡

公謚清獻

宋史

應武天台人嘉泰間掌郡學教事課試有程基迪有方雖寒暑昕夕在私家絕少被其教者粹於經麗於辭多可觀其滿而去也諸生繪像事之

明南畿志

趙范字武仲蒲圻人嘉定十五年通判揚州十七年進直徽猷閣知揚州淮東安撫副使劉全文信二軍老幼留揚州范欲修軍政懼其徒漏泄兵機遣徐晞稷書令教二人挈家歸楚范厚賚以遣有孫海者其衆亦八百范併請抽還楚州又請剗馬軍三千招游手之強壯

江都縣志

卷十二

名宦志

三十四

者及籍牢城重役人充之別籍民爲半年兵春夏在田秋冬教閱官免建砮而私不廢農紹定三年與弟葵同戮李全進兵部侍郎淮東安撫使兼知揚州後加吏部侍郎進工部尚書

宋史

趙葵字南仲范弟也寶慶元年范知揚州乞調葵以強勇雄邊軍五千屯寶應備賊紹定三年爲淮東提點刑獄李全攻揚州東門葵親出搏戰賊將張友呼城門請葵出及出全在隔壕立馬相勞苦左右欲射全葵止之切責之言甚多全無以對彎弓抽矢向葵而去於是數戰皆捷遂殺全葵前後留揚八年墾田治兵邊備益飭

景定元年授兩淮宣撫使判揚州進封魯國公薨年八十一贈太傅謚忠靖

宋史

王鑑字仲明幼警敏精騎射紹定三年李全犯揚州江淮大使司檄鑑從趙葵往救鑑乘賊始至出迎擊之賊識鑑旗幟曰淮東硬軍也四年安撫使趙范戒朝食期翌日出兵大戰葵曰非王都統不可約鑑帥兵以往鑑擐甲待旦躍馬至北門或以非地分勸鑑徐行則揮之曰同舟遇風何地 爲全適宴北使於平山堂意驕我軍鑑率單騎直 相拒纔數百步厲聲呼逆賊全汝在山東作殲賊歸宋得節度之旌乃背義孤恩吳天不庇

江都縣志

卷十二

名宦志

三十五

今日當盡子手全怒奔馬戰無幾塵埃漲天范葵遣兵斷全歸路全爲鑑所敗偕十餘騎走而西至新塘墮水鑑追至左右射全與其黨皆死捷聞特授左武大夫復州團練使終京湖宣撫大使司諮議

嘉靖惟揚志

鄭興裔初名興宗顯肅皇后外家三世孫也孝宗時自廬州移知揚州揚與廬舊爲隣初興裔在廬嘗卻隣道互送禮至是按郡籍見前所卻者有出無歸遂奏嚴其禁揚有重屯糧乏例糴他境興裔搜括滲漏以補之食遂足民舊皆茅舍易焚興裔貸之錢命易以瓦自是火患乃息又奏免其償民甚德之修學宮立義塚定部轄

民兵升差法郡以大治寧宗卽位告老授武泰軍節度使卒年七十四贈太尉謚忠肅

宋史

彭方字季正江西都昌人宋子守南康受業於白鹿洞開禧中揚州教授建七賢堂祀韓忠獻公七人遷景陵令以薦入直龍圖閣累官兵部侍郎龍圖閣直學士卒

謚文定

康熙府志

楊文仲字時發睢州彭山人寶祐元年登進士第添差通判揚州牙契舊額歲爲錢四萬緡累政增至十六萬開告訐以求羨文仲口希賞以擾民吾不爲也卒增十八界一而已制置使李庭芝檄主管機宜文字時有沙

江都縣志

卷十二

名宦志

三十六

田使者欲舉行之文仲力爭以爲事不可妄興蓋與民之惠有限不擾之惠無窮江北風寒之地民力竭矣爲利幾何安忍重擾吾民乎事遂不行召爲宗學博中遷

太常少卿

宋史

李庭芝字祥甫其先汴人徙應山縣淳祐初舉進士中第開慶元年賈似道以庭芝權揚州朝議擇守揚者帝曰無如李庭芝乃主管兩淮制置司事時揚新遭火廬舍盡燬庭芝悉貸民貧逋假錢使爲屋屋成又免其假錢凡一歲官民居皆具始平山堂瞰揚城元兵至則構望樓其上張車弩以射城中庭芝乃築大城包之募汴

南流民二萬人以實之命爲武銳軍又大修學爲詩書俎豆與士行習射禮郡中有水旱卽命發廩不足則以私財振之揚民德之如父母德祐元年春似道兵潰蕪湖沿江諸郡無一人能守者庭芝率所部郡縣城守日調苗再成戰其南許文德戰其北姜才施忠戰其中人爲之死鬪朝廷加庭芝叅知政事知樞密院事元阿朮攻揚久不拔乃築長圍困之城中食盡宋亡謝太后及瀛國公爲詔諭之降庭芝登城曰奉詔守城未聞有詔諭降也已而兩宮至瓜洲復詔庭芝庭芝命發弩射使者阿朮使持詔來招降庭芝開壁納使者斬之焚詔

陣上糧盡兵有烹子而食者猶日出苦戰益王遣使以少保左丞相召庭芝庭芝與姜才將兵東入海至泰州被執遂遇害死之日揚民皆泣下

宋史

姜才濠州人德祐時爲通州副都統賈似道軍潰元兵乘勝攻揚州才爲三疊陣逆之三里溝戰有功又與元師戰楊子橋日暮兵亂流矢貫才肩才拔矢揮刀而前所向辟易已而元軍築長圍白楊子橋竟瓜洲東北跨灣頭至黃塘西北至丁村務欲以久困之有舍人持謝太后詔來諭才發弩射卻之瀛國公至瓜州才芝泣涕誓將士出奪之將士皆感泣以四萬人夜瓜

洲戰三時衆擁瀛國公避去才進戰至浦子市夜猶不  
退阿朮使人招之才曰吾寧死豈作降將軍邪四月才  
以兵攻灣頭柵五月復攻之騎旋濘而止乃舍騎步戰  
至四鼓全師以歸六月護餉至馬家渡萬戶史弼將兵  
擊奪之才與戰達旦弼幾殆阿朮馳兵來援乃得免去  
才與庭芝東至泰州阿朮追及使使者招之降才不聽  
阿朮驅揚兵士妻子至城下會才疽發脅不能戰諸將  
遂開門降入才卧內執之以獻阿朮愛其忠勇欲降而  
用之才肆爲慢言阿朮怒磔之

宋史

趙淮葵之從子也李全之叛屢立戰功累官至淮東轉

江都縣志

卷十二

名宦志

三十八

運使德祐中戍銀樹壩兵敗與其妾俱被執至瓜洲元  
帥阿朮使淮招李庭芝許以大官淮陽許諾至揚城下  
乃大呼曰李庭芝男子死耳母降也元帥怒殺之棄屍

江濱

宋史

陸秀夫字君實楚州鹽城人景定元年登進士第李庭  
芝鎮淮南聞其名辟至幕中才思清麗一時文人少能  
及之者性沉靜不苟求人知每僚吏至閤廩主交驩秀  
夫獨斂焉無一語或時宴集府中坐尊俎間矜莊終日  
未嘗少有希合至察其事皆治庭芝益器之雖不  
使去已就幕三遷至主管機宜文字咸淳十年庭芝制

置淮東擢參議官德祐元年邊事急諸僚屬多亡者惟秀夫數人不去庭芝上其名除司農寺丞累擢至宗正少卿兼權起居舍人後駐兵厓山仗劍驅妻子入海卽負少帝赴海死

宋史

**元**史弼字君佐一名塔刺渾蠡州博野人從阿朮取揚州授昭勇大將軍揚州路總官府達魯花赤後爲淮東宣慰使凡三官揚州人喜刻石頌之號三至碑封鄂國公年八十六卒於家

元史

郝彬字景文霸州信安人世祖初年十六充太子宿衛擢揚州路治中宋末鄞縣賊顧閏聚衆海島時出攻剽

江都縣志

卷十二

名宦志

三十九

宋羈縻以官內附後益橫侵揚州境彬討擒之官終大司農卿

元史

張炤字彥明濟南人至元十三年陞大中大夫揚州路總管府達魯花赤商議行中書省事佩金虎符行省在揚州據南北要津炤撫綏勞來上下安之卒封清河郡

侯謚敬惠

元史

胡長孺字汲仲婺州永康人宋末爲福寧州倅至元二十五年召至京師拜集賢修撰與宰相議不合改教授揚州元史稱其學自九經諸史下逮百氏名墨縱橫行敷落律令程章無不條理而揆序之元貞元年移

建昌

萬曆縣志

明張德林鳳陽人明初以功授江淮分院元帥丁酉七月繆大亨率師取揚州以其地要害置江淮翼元帥府命德林同耿再成守焉時籍城中居民僅存十八家德林招集流亡威肅惠懷軍民輯睦以舊城虛曠截西南隅築而守之今揚州府城卽德林所築也

萬曆縣志

單安仁字德夫濠人元末江淮兵亂安仁集健少年數萬號青軍保障一方授院判從鎮南王孛羅普化守揚州旣而王爲長槍軍所逐安仁無所屬聞明太祖定集慶率衆歸附太祖大悅命爲元帥歷兵部尚書致仕家

江都縣志

卷十二

名宦志

四十

屠嘗奏請疏轉運河江都深港以防淤淺移瓜洲倉廩置楊于橋西免大江風潮之患帝善其言

本傳

志云安仁元末與馬得集義勇捍鄉里太祖克金陵得亦率衆歸附授揚州衛鎮撫戰守有功調守左衛

繆大亨定遠人洪武初爲樞密同僉鎮揚州洞燭民情抑強扶弱凡剖決合宜衆皆悅服卒於官民哀之如親

喪

明一統志

王彬字文質東平人洪武中進士拜監察御史建文四年巡按江州駐揚州北平兵至彬與鎮撫崇剛嬰城堅



守時盛庸兵既敗人無固志守將王禮謀舉城降彬執之及其黨繫獄剛出練兵彬修守具晝夜不解甲有力士能舉千斤彬嘗以自隨燕兵飛書城中縛王御史降者官三品左右憚力士莫敢動禮弟崇厚賂力士母誘其子出乘彬解甲浴粹縛之出禮於獄開門納燕師彬與剛皆不屈死福王時贈彬太僕卿謚忠莊剛德清伯謚壯愍

本傳

按志云鄧剛或曰崇剛世授揚州衛指揮今從本傳改定

周忱字恂如吉水人永樂二年進士改庶吉士宣德中

江都縣志

卷十二

名宦志

四十一

用楊榮薦超遷工部右侍郎巡撫江南諸府兼督稅糧始至卽奏罷淮徐等倉支米轉運之法於江都瓜洲江岸東浚二港建便民倉於港 令每年秋末蘇松等府各運米貯倉及冬初領漕官軍駕船序泊瓜洲以待南京戶部差官監兌又築石堤於瓜洲南岸俾運行者不苦淖濘造巨艦江上以救顛溺忱在巡撫前後二十二年謀慮深長善採衆論致仕後民懷其德處處立生祠祀之

嘉靖府志

名山藏云忱循行村落常屏騶從徒步入民家與童叟對語備詢疾苦爲之通融處分

陳瑄字彥純合肥人永樂初封平江伯督海運既而宋禮治會通河成瑄議造淺船運漕自儀真瓜洲直達京輔凡所規畫精密宏遠身理漕河者三十年舉無遺策終明之世漕運賴之

本傳

王竑字公度江夏人遷河州正統中以進士授給事中土木之變廷擊王振黨馬順死直聲震天下景泰二年陞右僉都御史巡撫江北等處竑政酌民心法訖豪右踣繫墨吏威令兢兢適淮揚歲大荒諸倉皆空虛獨廣運倉尚有儲積竑欲發之主者有難意竑曰民窮至此旦夕爲盜且上憂朝廷何論備京師爾不吾從脫有變

江都縣志

卷十二

名宦志

四十二

吾先治爾召盜罪然後自請死主者素憚其威許之所存活百五十八萬八千餘人他境流寓安輯者萬六千餘家先是帝得荒奏驚問奈何無饑死我民及聞大喜曰好都御史成化中晉兵部尚書卒謚莊毅

名山藏

王恕字宗貫三原人正統十三年進士改庶吉士由大理左寺副遷揚州知府發粟賑饑不待報作資政書院大興文教天順四年以治行最超遷江西右布政使後以刑部右侍郎總督河道濬高郵邵伯諸湖修雷公上下句城陳公四塘水閘旋改南京戶部左侍郎

本傳

名山藏云恕知揚州府夙夜在公請謁不行事無

大小寬猛惟當歲再饑不俟監司報下輒發賑民  
既安阜乃選士教肄溝解課勞如張鼎高銓馬岱  
邱俊俞俊張銳輩後皆顯達揚人比之文翁

王勤字而勉直隸武邑人天順間知揚州府平易簡實  
愛民若恐有傷在任九年操持如一百姓至今頌之

明

南畿志

田瓊湖廣松溪人舉人成化四年任揚州教授瓊秉性  
剛嚴居常不假人以辭色始蒞揚卽以師道自重雖叅  
臺郡貴官惟禮無諂遇諸生恩義區別最明諸生由是  
奮激砥礪駸駸不懈常愛校生夏易憫其貧捐己資爲

江都縣志

卷十二

名宦志

四十三

娶仍誓誠同官母索寒士餽儀同官胥畏服

姓譜

周源武昌人舉人成化七年以御史知揚州府時有訴  
外舅竊賣其女者舅誣服忽捕者獲女至乃幼育於舅  
其父潛誘賣之源歎曰刑獄必得實情可不慎哉又有  
兄殺其弟者獄未決人報有二鷹相擊鬪俱墮城東水  
內源指其處索之果獲其殺弟刀遂輸服人驚爲神某  
內侍扈藩王就封過郡索物不得粹源辱之民頃刻集  
數千人隔河大呼曰無妄辱我公其得人心如此

嘉靖

惟揚志

李紱高平人成化間任揚州府同知潔已愛民嘗築堤

復坍江田數萬頃又董開高郵康濟河挑揚州瓜洲儀  
徵運河當道旌保其績加四品服尋卒於官

明南畿志

王恩字克承餘姚人進士弘治間知揚州禮賢綏衆禁  
淫正俗歲饑懇疏得移撥商鹽截留兌運周助賑給又  
發在庫解京馬價銀糴米驗口給散全活甚廣後自劾  
專擅語甚切至竟免徵

明南畿志

白昂字廷望南直隸武進人進士弘治十年以工部右  
侍郎兼右僉都御史治淮揚等處漕河昂素有才識奏  
分揚州管河通判居瓜洲使軍民有所統一又奏濬瓜  
洲儀徵壩口及揚州灣頭運河親往督工又以高郵湖

江都縣志

卷十二

名宦志

四十四

險舟多沒溺開內河四十里以便牽挽工成賜名康濟  
至今利之

萬曆縣志

蔣瑤字粹卿歸安人弘治進士正德時知揚州武宗南  
巡中官吳經馳至揚擇甲第以駐蹕大索嫠婦處女閉  
諸尼寺以金贖乃得歸比駕至瑤供御取具無所贈遺  
諸嬖幸皆怒江彬閉瑤空舍挫辱之會帝漁獲一巨魚  
戲言直五百金彬卽界瑤責其直瑤懷其妻簪珥袿服  
以進曰庫無錢臣所有惟此帝笑而遣之府故有瓊花  
觀詔取瓊花瑤言自宋徽欽北狩此花已絕今無以獻  
又傳旨徵異物瑤具對非揚產帝曰苧白布亦非揚產

耶瑤不得已爲獻五百疋當是時權幸以揚繁華要  
無所不至微瑤民且重困駕旋瑤扈至寶應中官邱得  
用鐵鉅繫瑤數目始釋竟扈至臨清而返揚人見瑤無  
不感泣迨遷陝西參政爭出貲建祠祀之

本傳

志云瑤初至歲饑卽請留漕米萬石以賑民獲甦  
聽訟不務深文多諭遣心折而去子弟有欲取堂  
上幅紙爲文者瑤曰不可出錢別市紙供之遷陝  
西時夫婦覓輕舸載原携二衣橐以行官至工部  
尙書謚恭簡

易瓚字廷器直隸肅寧人正德十六年知揚州府在郡

江都縣志

卷十二

名宦志

四十五

勤勵詳慎四鼓卽起盥櫛坐後堂治事昧爽而出案無  
留牘嘉靖壬午癸未連饑瓚請賑於朝先召父老詣富  
室勸輸預集饑氓給以三月之食繼有旨悉蠲稅糧及  
發太倉銀米數萬瓚憂勞區畫躬行廩給又令僚屬詣  
州縣分賑全活者十九萬餘人貸種三萬七千餘戶後  
歷任右副都御史巡撫河南

萬曆府志

雷應龍字孟升雲南蒙化人進士授御史嘉靖五年命  
理兩淮鹽課見義勇爲不顧利害下令撤銅像五司徒  
廟改祀胡安定生生又廢天妃宮以葺鈔關公署毀州  
縣淫祠無數械治廟祝僧道之擅左道惑衆者悉抵於

罰士論稱快後以積勞卒官一郡守遂復五司徒像及諸廟額幸御史李佶王鼎相繼巡鹽巡按至追應龍之志碎五銅像鑄文廟祭器榜司徒不當祀之義以示民而後知應龍前舉爲正大云

康熙府志

侯秩字季常直隸長垣人嘉靖十一年知揚州府性疑重不苟言笑以勤儉率下節夫傳禁侈靡逐俳優罪諸佚游者濬陳公塘以資灌溉謂揚民無蓋藏乃多方儲粟至三十萬民以訟至府不數言而決雖重獄未嘗淹旬月也秩不媚權貴門無私謁蝗八散不爲患至今民有遺思歷遷陝西叅政

萬曆府志

江都縣志

卷十二

名宦志

四十六

吳百朋字惟錫義烏人進士嘉靖丙辰以御史出按江北會倭犯揚州百朋聞報疾馳至揚時傳賊多間諜四門皆閉止開東門之半許民入遠近扶携爭門者門爲咽百朋命大開各門納之衆譟呼徹天乃急趣士卒乘城晝夜躬拊循之至廢寢食士卒有死行間者親哭臨之仍厚恤其家以故一時軍民爭保城櫓賊不得近而百姓賴以無恐比解嚴百朋鬚鬢俱白

萬曆縣志

吳桂芳字子實新建人嘉靖二十三年進士知揚州府禦倭有功遷俸一級又建議增築外城揚有二城桂

芳始後歷南京戶兵二部尙書加太子少保致仕

本傳

志云桂芳初至郡有水患廢賑蠲稅百姓德之  
采郡人何城議以揚州鹽課當天下財賦半而商  
人居舊城外非計請於撫按奏築外城議甫定擢  
臨清兵備不果後守石茂華竟其事焉桂芳在郡  
政績甚著有守揚疏議四卷

劉景韶字子成湖廣崇陽人進士任揚州兵備時倭寇  
猖獗景韶親督兵臨陳悉殲其衆上功第一陞都御史

萬曆府志

張景賢四川眉州人進士嘉靖三十三年以倭寇日警  
始設海防兵備副使以景賢爲之甫任倭大至環甲督

江都縣志

卷十二

名宦志

四十七

戰重懸賞格募死士授以火攻畧一鼓殲之綜核軍政  
境內肅然暇則崇文興賢獎進後學累官至都御史揚  
人至今感之

康熙府志

石茂華字崇質山東益都人嘉靖三十四年知揚州府  
性簡默持大體值倭寇羽書旁午從容應之不動聲色  
而事辦登陴勞士依不歸廨食寢與俱已而倭退踵前  
守吳桂芳議築外城捍環河商民召商民畫地授工畚  
築之事皆親爲籌畫九閱月告成明年倭寇復來望之  
引去至今呼爲石城累官至侍郎

萬曆府志

李遂字邦良豐城人嘉靖五年進士三十六年倭擾

北廷議請特設巡撫乃命遂以原任操江撫鳳陽四府時淮揚三中倭歲復大水且曰役民輓大木輸京師遂譜餉增兵恤民節用次第畫戰守計三十八年卒致賊於廟灣殲之卒贈太子太保謚襄敏

本傳

朱哀字崇晉鄖西人嘉靖中舉於鄉爲武功知縣關中有鐵漢稱遷同知揚州吏無敢索民一錢倭入犯擊敗之沙河殲其酋還所掠生日甚衆未幾倭復大至薄城東門哀督兵奮擊死焉贈左叅政錄一子

本傳

陳耀文字晦伯河南確山人進士隆慶間爲淮南兵備時倭甫平而境有巨猾乘亂嘯聚數千人盤據窟穴曰

江都縣志

卷十二

名宦志

四十八

史家莊曰灰廓村曰樊汊而史家莊尤稱驍黠時入江劫掠商賈官軍不能制其黨有衣白衣密踰城爲謀者有司捕械至耀文亟釋之誘以重賞令過史家莊給其賊曰官兵盡解散矣賊信而弛備耀文驅士卒銜枚夜搗其莊盡殺之餘黨奔潰自是諸村落悉安耀文學問淹博於書無所不窺覽所著有天中集二百卷文集幾十卷正楊四卷則專攻楊慎譌謬諸書而名也

萬曆縣志

潘季馴字時良烏程人嘉靖間進士歷右僉都御史總理河道萬曆五年爲刑部右侍郎時河決崔鎮黃流清河口淤澱全淮南徙高堰湖堤大壞淮揚高



皆爲巨浸大學士張居正薦季馴代吳桂芳爲河漕尚書季馴以淮清河濁淮弱河強河水一斗沙居其六伏秋則居其八非極湍急必至停滯當藉淮之清以刷河之濁築高堰束淮入清口以敵河之強使二水并流則海口自濬遂修土六事詔如議明年冬兩河工成加太子太保進工部尚書兼左副都御史季馴四治河道前後二十七年習知地形險易增築設防置官建閘下及木石椿埽綜理纖悉積勞成病卒年七十五

本傳

志云先是泗人訛言欲廢高堰季馴上疏力爭悉

陳泗人廢堰陰爲私鹽私稅之故特立周橋石限

江都縣志

卷十二

名宦志

四十九

使舟不得過又恐泗人謀復隳成功作河防一覽條議盡善至今爲治水石畫

李三才字道甫順天通州人萬曆二年進士以右僉都御史巡撫江北時礦稅使四出江淮騷動而奸民以礦稅多起爲盜三才疏言臣境內千里之區抽稅理鹽蘆政之使棊置星列加以無賴亡命不逞奸徒假旨詐財動以萬數破產傾家十人而九請勅停止以安民生三十一年自揚州移駐淮安士民攀轅者無筭至今謳思不衰

康熙府志

胥遇字際明四川眉州人進士萬曆十三年海防兵備

道初至問疾苦知水患最困卽檄守令分勘下流海口  
壅闕則東濬三場穿范堤達苦水洋牛灣河北疏兩河  
從葫蘆港戛糧河達新豐市入海上流湖水泛溢則闢  
惠政橋引趨芒稻河南注於江受期興役次第竣王民  
賴其利陞雲南廉使郡人立碑記之

康熙府志

楊洵字暉吉山東濟寧人進士葛曆二十六年知揚州  
三載為清白吏第一時瓜洲稅使肆虐商民猝闕聚至  
千人詈侮稅使擊斃其爪牙洵至諭以數語衆立解散  
揚營兵及瀕江屯戍餉數萬金取自府帑例豐入齎出  
洵革之出入如一闢崇雅書院躬自訓士與往復辯難

江都縣志

卷十二

名宦志

五十

不倦二十九年遷揚州備兵副使尋叅藩吳中揚人祀  
之名宦

康熙府志

趙良相湖廣衡陽人進士萬曆三十五年知揚州廉介  
有威郡有梟猾數人披猖市井良相立捕置之法樹榜  
其門終其身不敢犯課試諸生決某當大魁果以館元  
登侍從時服其有知人之識

康熙府志

來復字陽伯陝西三原人進士天啓七年海防兵備道  
時璫勢正熾有胡劉二闖以檢括欽贓踞揚郡復弗爲  
禮二闖恚詈之復抗不稍挫未幾忠賢敗按二闖皆實  
於理復善治兵布方略信賞必罰海上有大盜聚衆數

千有司不能詰復縱反間離其黨與渠魁就殄又捐俸

葺城迄今賴之

康熙府志

劉鐸廬陵人進士由刑部郎中知揚州有才藻憤魏忠賢亂政作詩有陰霾國事非之句書于僧扇偵者得之聞於忠賢倪文煥素銜鐸遂嗾忠賢逮治之坐以大辟忠賢誅鐸贈太僕少卿

本傳

志云鐸初就繫坦然不改常度揚人以縑素乞書者淋漓揮灑應之不倦

王徵字良甫陝西涇陽人天啓間爲揚州推官值三王之國徵求供億民不堪命徵挺身白王王爲飭戒侍衛

江都縣志

卷十二

名宦志

五十一

揚境不擾魏忠賢竊柄構黃山獄連巨室數百人徵毅然曰某在必不廢法求媚以陷良善力爭之卒免數百人時建魏璫祠成徵與淮海道來復獨不往拜人稱爲

關西二勁云後歸秦中遇李賊之難絕粒七日死

康熙府志

袁繼咸字臨侯江西分宜人天啓乙丑進士揚州兵備副使獎廉抑貪鋤姦扶善郡守某受賂鬻獄繼咸發其贓罪狀守懼伏胥吏強暴者折以刑境內又安時中官楊顯名飭理兩淮鹽務御史轉運使以下跪拜趨謁而繼咸獨不屈顯名不悅劾退之通國譴譁閉城門遮留者十餘日繼咸慰諭之乃出去揚州數月熹宗悔悟擢

繼咸巡撫楚中

雷士俊大政記

王象晉字康宇山東新城人進士崇徵間揚州兵備副使擿奸剪慝十城憚其風采時巨盜王虎子嘯聚海濱剽掠殺人象晉親掃其穴又有陳三漢等出沒波濤謀不軌象晉設方略禽斬以徇暇則與諸生談亶亶不倦持已清介馭下嚴肅圖書而外泊然一無嗜好遷蘇松

糧儲叅政

康熙府志

鄭二陽字潛庵河南鄆陵人進士崇徵八年以僉事備兵維揚理繁劇如游刃九年流寇焚鳳陽陵寢江北震動二陽簡練士卒戰守之具咸備寇再躡滁州陷和含

江都縣志

卷十二

名宦志

五十二

而揚無烽火之警者皆其力也馭吏嚴不事苛細案無滯牘公暇卽賦詩屬文江都學宮久圯樂器廢闕葺堂廡製荀虞有枯杏重花之瑞一巨璫以覈鹽至責監司行屬謁禮二陽屹然不撓璫亦心折之鹽政日壞竈丁困甚欲爲亂二陽扁舟往撫皆流涕不敢萌異志五載以茂績召對擢巡撫安廬都御史揚人祀之名宦

康熙府志

湯來賀字佐平江西南豐人進士崇徵十三年揚州推官時歲大荒來賀以米五千石及募輸之穀設廠煮粥更設醫藥以救饑民之病者仍以餘米及贖緩購要備來歲賑次年果復饑分坊按籍人各予麥一升復請改

折漕糧民省四倍之輸漕撫都御史史可法疏薦其能  
會中責督饒來揚強郡邑行屬禮來賀不從移書諸縣  
令曰此膝一屈不可復伸諸君但以余爲辭彼必怨我  
願爲諸君獨肩之其風概如此尋內召以忤時相僅授  
部主事歷官廣東廉使

康熙府志

史可法字憲之順天大興人母尹氏有娠夢文天祥入  
其舍生可法崇徵元年成進士累官右僉都御史巡撫  
安慶廬州等處奏免被災田租募壯士繕甲仗日夜爲  
戰守計賊避其鋒十四年以戶部右侍郎總督漕運尋  
拜南京兵部尚書十七年四月聞李自成陷京城大慟

江都縣志

卷十二

名宦志

五十三

頭觸柱血流被體縞衣發喪欲長驅死賊及福王立馬  
士英擁兵入可法知勢不兩立請督師准揚加太子太  
保兵部尚書武英殿大學士時高傑兵駐揚州被淫掠  
死者無算可法具疏以瓜洲城屯其衆揚州以安可法  
遂開府揚州闢禮賢館招四方才智悉任用之屢疏請  
餉士英靳不發每疏請討賊復讐聲泪俱下扼於馬阮  
獲報而已次年四月左良玉東下王手書召可法入援  
卽日發兵渡江抵燕子磯聞良玉已敗乃令速還 陛  
見不許還抵天長一日夜奔揚州檄召各鎮兵無一至  
者二十日 大兵至屯班竹園總兵李棲鳳監軍副使

高岐鳳拔營出降城中勢益孤諸文武分陴拒守舊城  
西門最險要可法自守之作書寄母妻爲訣以無子命  
副將史得威爲之後越二日 大兵薄城下城破可法  
自刎不死命得威刃之得威痛哭不敢仰視一參將擁  
出小東門爲我兵所執可法大呼曰我史督師也可速  
殺我勸之降不從遂殺之揚州知府任民育同知曲從  
直王纘爵江都知縣周志畏羅伏龍兩淮鹽運使楊振  
熙監餉知縣吳道正江都縣丞王志端幕客胡如琯盧  
渭皆從死 本傳

按志云可法旣死養子得威尋其屍不得招魂葬

江都縣志

卷十二

名宦志

五十四

衣冠於梅花嶺

劉肇基字鼎維遼東人崇徵中以世職累遷都督同知  
福王立史可法督師淮揚肇基請從征自効加太子太  
保 大兵抵揚州可法檄諸將赴援皆不至獨肇基自  
白洋河趨赴過高郵不見妻子旣入城請乘 大兵未  
集背城一戰可法持重不允肇基乃分守北門已而城  
破率所部四百人巷戰力不支一軍皆沒同時副將乙  
邦才自刎馬應魁披白甲大書精忠報國四字於背戰  
死莊子固屯徐州募壯士七百人以赤心報國爲號聞  
揚州被圍率衆馳三日而至城將破欲擁可法出城遇

大兵格鬪死他若副將樓挺江雲龍李豫副旂鼓叅將陶國祚內左營叅將許謹內右營叅將馮國用內前營叅將陳光玉叅將李隆徐純仁遊擊李大忠孫開忠都司姚懷龍解學曾等皆以巷戰死

本傳

任民育字時澤濟寧人天啟中舉人善騎射福王時亳州知州以才擢揚州知府史可法倚任之分門拒守及城破急還著緋衣端坐堂上 大兵至欲擁之去不從殺之闔家男婦盡赴井死庫官談三傑守北門回易公服死民育之側二僕天喜人衡從焉

本傳

志云民育左右從人皆奔散獨吏陸某侍民育死

江都縣志

卷十二

名宦志

五十五

亦自縊

王纘爵字佑申鄞縣人以蔭入太學授應天府通判攝溧水縣以剛直忤上官自投劾歸閣部史可法督師江北起爲監軍道一日可法謂爾書生不耐兵事吾當爲奏補京職纘爵曰下官世受國恩無以爲報今願從明公死不願從馬阮生也可法歛容謝之及揚城破從可

法死焉

康熙府志

何剛字愨人上海人崇徵末由舉人授兵部職方司主事上疏募兵金華甫出都都城陷馳還其鄉募卒二千人率以訓練福王時進員外郎以其兵隸史可法可法

大喜剛亦以遇知已誓同生死馬士英惡可法并惡剛  
出爲遵義知府可法垂涕曰子去吾更誰仗剛亦泣曰  
剛誓與此城存亡安敢違公踰月揚州圍剛佐可法拒  
守城破投井死

本傳

吳爾壘字介子石門人崇徵癸未進士改庶吉士京師  
於李賊爾壘南還謁史可法請從軍可法遂留參軍  
事時爾壘父之屏督學福建爾壘斷一指畀故人祝淵  
持歸曰君語我父母悉出私財畀我餉軍我他日不歸  
以指葬可也後從可法守揚州新城破投井死

本傳

**國朝**王士徵字貽上山東新城人順治乙未進士順治十

江都縣志

卷十三

名宦志

五十六

七年任揚州府推官風裁嚴峻吏民凜凜及遇事虛衷  
聽斷立法平允有株連者立釋去暇則與士人論文講  
藝不啻師友遠近名宿翕然宗之秩滿擢禮部主事歷  
官至刑部尚書所著有帶經堂集祀名宦

麻勒吉滿洲人順治壬辰進士及第康熙十年總督兩  
江清廉和惠出於至誠不假聲色能使諸屬吏奉法惟  
謹時海氛未靖揚郡濱江尤賴撫綏捍禦民獲安枕數  
十年後謳思德政猶稱麻一省云

湯斌字潛菴河南睢州人順治壬辰進士由內閣學士  
出爲江蘇巡撫清介坦直吏民見者如在光風霽月中



然釐奸剔弊毅然行之不少寬假嘗毀部內淫祠除數百年黷祀厥功尤偉遷禮部尚書掌詹事府

金鎮字長徵宛平籍浙江山陰人舉人康熙十三年知揚州府先是負擔入城必上稅於府鎮以貧民小販概貫之僦屋者爲減租錢貧者稱便宋歐陽修平山堂郡名勝地爲棲靈寺僧所占鎮興復之更修郡志皆手自排纂擢江南驛鹽副使晉按察使祀揚州名宦

郝浴字雪海直隸定州人順治己丑進士康熙十五年以御史巡鹽兩淮時三逆未平鹽法壅滯恤商裕課多紓良策揚屬歲歉疊勸商人捐穀源源賑濟全活饑民

江都縣志

卷十二

名宦志

五十七

甚衆擢太常寺少卿再擢副都御史仍留巡鹽任兩載授廣西巡撫去日商民送者萬人

于成龍字北溟山西永寧人康熙二十年總督兩江嚴絕苞苴鋤抑豪猾遠近肅然與民禁約要政一曰設保甲一曰禁輕生一曰嚴假旗一曰斷打降凡所下令叮嚀欵曲宛如家人浹談不事文飾見者咸震悚或歎息泣下揚州華靡之習一時丕變焉尤重文學立虹橋書院徵集高才生誦習其中資以膏火課訓諄切與其選者後多登高第爲名儒及卒於位士民巷哭者屢月各郡邑俱祀名宦

崔華字蓮生直隸平山人順治己亥進士康熙二十年  
知揚州府多善政晉兩淮鹽運使修學宮置義塚設藥  
局江上置救生船遷陝西叅政去祀名宦

傅臘塔滿洲人康熙三十一年總督兩江性明敏一切  
文武吏治地方利弊不洞燭其懲貪墨鋤豪強凜若  
神明及循行郡邑遇小民疾苦輒親爲諮詢百姓見其  
騶從簡約初不知其爲制府也卒後士民謳思爭祀名  
宦與于公畧同

范承勲字蘇公奉天人以兵部尚書總督兩江清廉鎮  
靜不假聲色而吏民奉法惟謹更念淮揚下河屢被水

江都縣志

卷十三

名宦志

五十八

患撫綏賑恤全活甚衆還

朝後士民謳思不置通省俱祀名宦

施世綸字潯江福建人滿洲籍由泰州知州擢知揚州  
府持己剛正門無私謁聽訟尤敏決多年疑案片言立  
折他如嚴保甲裁冗費減房租禁婦女入寺善政甚夥  
屢遷至漕運總督

張鵬翮字運青四川遂寧人康熙庚戌進士以兵部侍  
郎視江南學政甄拔孤寒一塵不染屢擢兵部尚書總  
督河道值河決邵伯鎮更樓水從決口注下河澎湃奔  
騰百計不能 百姓田廬漂沒鵬翮至沿河焚香慟哭

者數千人鵬翮亦大哭爲文禱河神日夜督築踰月決口塞還清江而高家堰勢危甚鵬翮曰無高堰卽無淮揚矣爲築六壩殺其勢建洪塘埭石工束淮水水患以治數年後江都窪田盡成腴壤任九年推戶部尚書晉吏部尚書大學士卒謚文端

張伯行字孝先河南儀封人康熙乙丑進士由福建巡撫調江蘇清正率屬吏民感化除江都瓜洲兩處浮稅撫輯下河被水戶口揚民尤德之康熙辛卯以會勘科場事駐揚州與總督噶禮議不合互相劾奏解任後杜門絕客粗糲自給揚民以簞食餽者盡却之旣奉

旨稱伯行天下清正第一復其任罷噶禮萬民懽呼焚香載道逾年擢倉場戶部侍郎晉禮部尚書卒謚清恪陳鵬年字滄洲湖廣湘潭人康熙辛未進士初知山陽縣陞知海州歷守江寧蘇州二府署藩司皆有異績旣以公事被劾留京充纂修官康熙六十年署河道總督周視諸河舉修廢圯而按行揚郡悉上下河情形議疏通蓄洩之法工未及興會武陟堤決力疾往視卒雍正元年加兵部尚書子特蔭 賜祭葬江南各郡邑皆祀名宦

齊蘇勒字金城滿洲人以兵部尚書總督河道加太子

太傅洺政清勤全河受庇其功在江都者疏復瓜洲花園港運道仍建牐啟閉以順地勢堵瓜洲城西新開河道以免江水逼城之患萬民賴以安全皆焚香尸祝焉論曰既表江都之令丞簿尉以及教諭訓導之官其有善政善教功德在民者例得備書矣等而上之如昔之太守刺史今之知府統治雖廣而江都附郭首邑被澤最親例亦得書再等而上之如昔之王相藩臣節度制置等使與今之督撫監司雖地大處尊勢遠形濶而仁風惠政亮節孤忠有實著於江都者例亦得書非是則不敢漫及焉懼其

泛也若夫桓桓武臣保障茲土有捍民禦難之績而參軍記室多風流文雅之遺亦何忍盡沒哉